



ICC TE KAPU KIRIKITI WAHINE O TE AO
AOTEAROA · NZ 2022

KUPU TAUTOKO

Kia ora, Haere mai

Nau mai ki te Kapu Kirīkiti Wahine o te Ao ki Aotearoa 2022.

Tukuna ngā waewae kai kapua, ngā waewae kai kirīkiti e!

Ko te huinga nui tētahi huarahi pai hei tautoko i ngā akoranga. Mehemea ka hono tētahi huinga ā-motu ki ngā hapori, ka tino reka ngā akoranga ki te tamariki. He pārekareka ki ētahi ākonga tokomaha te hākinakina hei horopaki ako, nā reira mā te whakamahi i te huinga hākinakina e whakaheretia ana i tōu ake whenua, e tino ū ai ngā ākonga ki ngā mahi. Mā reira hoki rātou e whai wāhi ai, e tautoko ai i ō rātou ake hapori. He wāhi whakahirahira tō te hākinakina ki Aotearoa, ā, ka nui tō tātou hīkaka ki te tautoko i ngā hautupua, i ngā tīma hoki o tō tātou whenua.

He mea hoahoa te Pukaiti CRIC-KIDS nei hei kohinga mahi pārekareka, hei tautoko i te Kapu Kirīkiti Wahine o te Ao e tū nei ki Aotearoa hei te tau 2022. Ehara aua mahi i te mahere ako, te hōtaka mahi rānei, engari mā reira e pai ai 'te utu atu i te kapu o te ringa' ki te pukaiti, me te whakarerekē hoki i ngā mahi kia pai ai mā ngā ākonga, mā ngā horopaki hoki.



TOHU MAHI
HAUORA

KARAWHIAU

TOHU MAHI
ORANGA
TINANA

Huinga

TOHU MAHI
HUINGA

I tuhia ngā mahi katoa ki te "reo ākonga", ā, he māmā te whai, he mārama hoki. Kei roto hoki tētahi taukī poto e whakahāngai ana i te mahi ki ngā wāhanga ako o Te Marautanga o Aotearoa hei tautoko i te kaiako me āna mahere. Ka taea hoki ētahi mahi te 'whakakotahi' hei pakirehua roa kē, hei mahi roa kē rānei. Ka taea rānei te whakamahi hei mahi pārekareka kotahi nei.

He wāhanga nui te hauora o CRIC-KIDS. Ahakoa te huhua o ngā rauemi hauora e wātea ana ki ngā kura, me ngā tautoko ā-hauora hoki, he huarahi pai te hākinakina hei whai mā te kura katoa. He mea nui te korikori o te tinana kia ora ai te hinengaro me te tinana. Hei āpitī atu, ka arotahi ētahi mahi huhua ki te whanaketanga kaiārahitanga, te manaakitanga, te mahi tahi, te mahi takitini, te manawaroa, te hiringa o te mahara, me ngā kōrero wairua pai. He āhuatanga nui ēnei mō te hauora o te tangata.

He mea hoahoa ngā mahi nei mā ngā ākonga o ngā tau 3-8, ā, e pai ana te whakamahi i roto i ētahi wāhi, i ētahi horopaki huhua. Ko ētahi ko ēnei:

- ngā ākonga e mahi takitahi ana ki te kāinga, ki te kura rānei
- ngā kaiako e wātea ana ki te tīpako i ngā mahi pai mō ā rātou hōtaka akomanga - i roto, i waho hoki i te akomanga
- ngā hōtaka rā whakatā
- ngā hōtaka kirīkiti
- ngā karapu kirīkiti, ngā rōpū hapori hoki.

Kei te muri o te pukaiti ētahi mahi e "takea ana i ngā hinonga". Ka tae atu ana koe ki te kēmu kirīkiti, ka pai pea ēnei mahi mō te papa kirīkiti tonu rā. Ko te tohu o ēnei nā ko te tohu "Hinonga". Ka taea ngā mahi katoa te mahi e ngā kaiako hapori, ngā kaiako karapu, me ngā kaiwhakahaere hōtaka rā whakatā. Heoi anō tāu he tīpako i te mahi e tino hāngai ana ki tō wāhi, ki ngā taputapu kei a koe, ki ngā mea e kaingākautia ana e āu ākonga hoki.

KUPUTOHU MAHI

TAU	TAITARA	MARAUTANGA	HERENGA
01 WHĀRANGI 1	Kia whānui te whakaaro! Hoahoatia he kōwaiwai kirīkiti	● Toi ● Te Reo Matatini	
02 WHĀRANGI 2	Me he huia tū rae!	● Hauora & Hākinakina ● Hangarau ● Toi	 Maru i te rā
03 WHĀRANGI 3	Kei wehe ki te kore tēnei – Te rārangi ō runga	● Hauora & Hākinakina	 Oranga o te kaitākarome te kaimātaki; te tiaki i a tātou
04 WHĀRANGI 5	Te kēmu kirīkiti - kei ngā wīkiti te katoa	● Hauora & Hākinakina	KARAWHIUA  Oranga tinana
05 WHĀRANGI 10	Hauora – Te whakamīharotanga nui o te kirīkiti	● Hauora & Hākinakina	KARAWHIUA  Ngā mātāpono hauora
06 WHĀRANGI 12	Patua te patu!	● Toi ● Hangarau ● Pāngarau	
07 WHĀRANGI 13	Kua rerekē te kēmu!	● Te Marautanga o Aotearoa	
08 WHĀRANGI 16	1, 2, 3, 4, mō wai rā te aroha? Kirīkiti!	● The Arts – Music ● Ngā Reo ● Te Reo Matatini	
09 WHĀRANGI 17	Ka whānau rangatira mai	● Hauora & Hākinakina ● Te Reo Matatini	 Ārahitanga
10 WHĀRANGI 19	Kēmu patapatai	● Te Reo Matatini	
11 WHĀRANGI 20	Te tīma toa o te kirīkiti wahine - te kakara o te kirīkiti moemoeā	● Pāngarau	
12 WHĀRANGI 21	Ko te toa ko...	● Toi	
13 WHĀRANGI 22	Te puka meka ā-motu a te Kapu Kirīkiti Wahine o te Ao	● Te Reo Matatini ● Toi	
14 WHĀRANGI 25	Hoahoatia te whīra/whare kirīkiti ō runga rawa	● Toi ● Hangarau – Digital	
15 WHĀRANGI 26	Te pūtaiao o te epanga	● Science ● Hangarau	KARAWHIUA 
16 WHĀRANGI 28	He rā i te oranga o te Rarauwhe Mā	● Te Reo Matatini	
17 WHĀRANGI 29	Kaipāpāho mō te rangi kotahi – ngā uiui i muri i te kēmu	● Te Reo Matatini ● Ngā Reo	
18 WHĀRANGI 30	Ngā kaitākarō i haramai ki te kai	● Te Reo Matatini	
19 WHĀRANGI 32	Kōrero kirīkiti rorirori	● Te Reo Matatini	
20 WHĀRANGI 33	Tātairia	● Pāngarau	
21 WHĀRANGI 37	E tū hei kaiarataki haerenga	● Te Reo Matatini ● Tikanga ā-Iwi	

TAU	TAITARA	MARAUTANGA	HERENGA
22 WHĀRANGI 39	Kia pai ā muri	● Hauora & Hākinakina ● Te Reo Matatini	
23 WHĀRANGI 41	Kimihanga kupu kirīkiti	● Te Reo Matatini	
24 WHĀRANGI 42	Whāia haeretia te kēmu	● Pāngarau	
25 WHĀRANGI 43	Tiro ki mauī, tiro ki katau, kitea katoatia ngā kaihopu rau	● Te Reo Matatini	 Huanga
26 WHĀRANGI 45	Te toa o te hirikapo	● Hauora & Hākinakina	 Hiringa i te mahara
27 WHĀRANGI 47	He āhuatanga angitu	● Hauora & Hākinakina	 Āhuatanga tangata angitu
28 WHĀRANGI 48	Kimihia!		 Huanga
29 WHĀRANGI 49	Whakahoutia!	● Hangarau	
30 WHĀRANGI 50	Kirīkiti kiriheahea	● Te Reo Matatini ● Hauora & Hākinakina	 KARAWHIUA
31 WHĀRANGI 51	He haki motuhake	● Te Reo Matatini ● Tikanga ā-Iwi	 Mā te kaha, te mana, te ihi
32 WHĀRANGI 52	WHAREWHARE mahinga kirīkiti!!	● Te Reo Matatini	 Huanga
33 WHĀRANGI 53	Kuhuna, pania, pōtaeria!	● Hauora & Hākinakina ● Toi ● Te Reo Matatini	 Maru i te rā
34 WHĀRANGI 54	Hangaia he kēmu papa kirīkiti – whakarekareka i te taha o ōu hoa!	● Te Reo Matatini ● Pāngarau ● Toi	 Kōrero hauora
35 WHĀRANGI 55	Hoahoatia he kāri piro	● Toi ● Hangarau	  Kōrero wairua pai
36 WHĀRANGI 56	Ka hopu, ka toa	● Hauora & Hākinakina	 KARAWHIUA
37 WHĀRANGI 57	Karawhiua! Tiki Toki i te tāera kirīkiti	● Hauora & Hākinakina ● Toi	  KARAWHIUA
38 WHĀRANGI 58	Hoahoa waitohu	● Toi	
39 WHĀRANGI 59	Te kirīkiti me ngā mōkai	● Te Reo Matatini ● Toi	
40 WHĀRANGI 62	Huatakinga pakwaitara kirīkiti	● Te Reo Matatini	 Ngā kōrero hei whakahihiko i te wherawheranga whakaaro
41 WHĀRANGI 63	Haki-mīharo	● Toi ● Te Reo Matatini	  Kōrero wairua pai
42 WHĀRANGI 64	Whatia! Kia mau!	● Toi ● Ngā Reo	
43 WHĀRANGI 66	E pai ai ngā whakataunga i te pae patu	● Toi ● Ngā Reo	 Manaakitanga, kanorautanga, kōrero tūturu, ngākau pono, atawhai, motuhanga, haepapatanga
44 WHĀRANGI 67	He kēmu rautaki	● Te Reo Matatini	 Manawanui, ārahitanga
45 WHĀRANGI 68	Te hautaka a te kāpene	● Toi ● Te Reo Matatini	 Ārahitanga

KUPUTAKA

KUPU INGARIHI	KUPU MĀORI	KŌRERO
Active; strenuous	Uekaha	
Aggressive	Pākaha	
Angle	Koki	
Ball (n), ie. there are six balls	Epanga	
Batter	Kaipatu	
Bench (seat)	Paepae roa	
Biography	Haurongo	Also profile
Blade	Mata	
Boundary	Pae waho	
Boundary rope	Taura paenga	
Bowler	Kaiepa	
Brainstorm	Ōhio manomano	
Brochure, pamphlet	Pukaiti	
Bye	Piro hāmene	Penalty point
Calico	Kariko	
Career	Umanga	
Changes	Panonitanga; rerekētanga	
Childhood	Ohinga	
Clean sweep (utterly destroy)	Tipihauraro	
Computer programme;	Pūmanawa rorohiko	
Counter	Porotiti	
Crease	Pae patu	Batting threshold
Develop	Whakawhanake	
Dice	Mataono	


KUPU INGARIHI	KUPU MĀORI	KŌRERO
Diverse	Kanorau	
Edge	Tapa	
Energetic	Ohomauri	
Face (a ball)	Whakarae (i te epanga)	
Fan	Kōwhiuwhiu	Both noun and verb
Final	Whiringa toa	
Fit (re: size)	Ō	
Freeze frame	Ata-tū	The hyphen is
Gasp	Hotu	
Grassy bank	Tūkari pātītī	
Grumpy	Kiriweti	
Handle	Kakau	
Highlight	Whakamiramiratanga	
Inclusivity policy	Kaupapa here whāinga wāhi	
Information	Pārongo	
Inquiry process	Hātepe pakirehua	
Interactive information centre	Pūtahi Pārongo Pāhekoheko	
LBW	Wae i Mua Wīkiti (WMW)	
Leg bye	Piro hāmene wae	
Mural	Kōwaiwai	
Named; identified	Tautapaina	
No-ball	Epa wāwāhi ture	
Pakistan	Pakitāne	
Pretend	Whakatāruna	
Profile	Haurongo	Also biography
Promotional poster	Tūtohi whakatairanga	

KUPU INGARIHI	KUPU MĀORI	KŌRERO
Rate	Pāpātanga	
Realistic (genuine)	Motuhenga	
Resilient	Manawaroa	
Retire	Tāoki	
Review	Arotake	
Review system	Pūnaha arotake	
Roll of paper	Pōkaitanga pepa	
Security area	Wāhi whakamaru	
Shattered; smashed	Pūrikiriki	
Sight screen	Papa tūmuri	Rear positioned
Signed	Tāmokohia	
Singapore	Hingapō	
Sports psychologist	Kaimātai hinengaro hākinakina	
Sri Lanka	Hīraka	
Strategy	Rautaki	
Statistics	Tatauranga	
Sub-questions	Pātai taina	
Success; successful	Angitu	
Swell position	Wāhi mātotoru	Thick position
Toe (of the bat)	Rau (o te patu)	
Tournament	Tātāwhāinga	
Underarm bowl	Epa ā-raro	
West Indies	Ngā Moturiki o te Moana	The Islands of the
White picket fence	Taiapa wāwā mā	
Wide	Epanga whānui	
Zone; area	Āpure	


► ME HE HUIA TŪ RAE!

Ka hoahoa koe i tētahi tīhāte hei mauranga mā ngā kaitautoko e mātaki ana i te kēmu kirikiti i te Kapu Wahine o te Ao. Āta whakaarohia ngā āhuatanga hoahoa matua o te hāte, ā, hoatu he hanga SunSmart hoki! Whakaingoatia māramatia ngā āhuatanga o tō hāte, ā, whakamāramatia te āhua o te mahi a tēnā, a tēnā, tae atu ki te take i whakaurua ai e koe.

I a koe e hoahoa tīhāte ana, me mārama rawa ko tēhea te tīma e tautokona ana e koe. Whakaarohia ngā tae o te tīma, me ngā tohu motuhake o taua whenua hei whakamahinga māu kia mārama ai ko wai e tautokona ana e koe. Kia kaha!



HE PIRO ATU: Mahia, whakapanonitia rānei tētahi tīhāte nō te kāinga hei hāte whakamīharo, ā, mauria ki tētahi o ngā kēmu kirikiti o te Kapu Wahine o te Ao. Wai ka hua, wai ka tohu, ka kitea pea koe i runga i te POUAKA WHAKAATA NUI e tautoko ana i tō tīma!



PATUA TE PATU!

NGĀ KŌRERO E TIKA ANA KIA MŌHIOTIA E KOE MŌ TE PATU!

E rua ngā wāhanga o te patu kirīkiti, te kakau me te mata. Hangaea ai te kakau ki te keini, te rākau rānei. Tākaia ai te kakau ki te puringa. Hangaea ai te mata ki te rākau anake. E 96.5 henimita te roanga katoa o te patu. E tika ana kia 10.8 henimita te whānui o te patu, kia 6.7 henimita te mātotoru o te pūwaenga, ā, kia 4 henimita te mātotoru i ngā tapa.

Mātakina tēnei ataata poto Nūtub e pā ana ki te hanganga o te patu kirīkiti taketake.

<https://rb.gy/wsnwge>



HOAHOTIA TĀU AKE PATU

Me hoahoa e koe tāu ake patu māu anō. Me whai pepa, pene hoki.



Ka whakamahi koe i ngā inenga i roto i te whakaahua i runga nei. Oti noa i a koe tō patu te ine, te tuhi hoki, āta whakaarohia ngā mea hei whakapiri ki runga hei tohu mōu, hei whakaatu hoki i te wāhi nō reira koe. Tirohia anō āu inenga!

Ngā mea hei whakaaro māu - tō ahurea, tō kura, tāu e kaingākau ai, tō whānau, me te whakaurunga o ētahi tohu o Aotearoa.

Oti noa i a koe tō patu te hoahoa, whakamaheretia, hoahotia he patu mā ngā Rarauwhe Mā. He aha ngā mea hei whakaurunga māu ki te hoahoanga hei whakaatu i tā rātau whakakanohitanga o Aotearoa, tā rātau whakahaeerenga hoki i te tātāwhāinga Kapu Kirīkiti Wahine o te Ao hoki 2022?


 **HE PIRO ATU:** tētahi mahi kāinga, tētahi werō ā-karaehe hei mahi ā-rōpū. Whakamātauria te hanganga o tētahi patu kirīkiti ki te rākau.

- He aha ngā mea e hiahiatia ana?
- Mā wai koe hei āwhina?
- Ka ahu mai āu taputapu i hea?
- Me pēhea koe kia tika ai te āhua?
- Kei a koe tētahi āhua pai kē atu mō te patu kirīkiti?



NAME: _____

TEMPLATE



▶ KA WHĀNAU RANGATIRA MAI

A new leader steps forward – *ara mai he tētēkura*



He riterite ngā āhuatanga o ngā kaiārahi katoa. He aha te tikanga o te "āhuatanga"?

I roto i te mahi nei, me rangahau koe i ētahi o ōu tino kaiārahi, kia tokorua. Ko te kāpene tīma hākinakina, ko te rangatira o tētahi whenua, ko te kaiako, ko tētahi tumuaki pakihi rongonui, ko wai atu rānei. Me wahine rawa tētahi o rāua.

Ko ētahi tauira hei whakahihiko i
ōu whakaaro: Sophie Devine, Kane
Williamson, Sam Cane, Ash Dixon,
Jacinda Ardern, Roger Tuivasa-Sheck,
Peter Burling, Ameliaranne Ekenasio,
Lesley Ketu, Paraone Gloyne.

Tuhia ki runga i te pēke kirikiti i raro nei ētahi āhuatanga e whakatinanatia ana e ngā kaiārahi i tīpakohia e koe.



(Mauī ki te katau) E whakanuia tahitia ana te whakarewanga o te Kapu Kirīkiti Wahine o te Ao ICC 2022 e Mithali Raj, Kāpene o te Tīma Rangi Kotahi o Īnia, rātau ko Debbie Hockley, he Rarauwhe Mā ō mua, he toa Kapu o te Ao hoki, ko Jacinda Ardern, te Pirīmia, ko Sophie Devine, te kāpene o ngā Rarauwhe Mā.

Kaiārahi 1:

Āhuatnaga:

Kaiārahi 2:

Āhuatanga:



▶ KA WHĀNAU RANGATIRA MAI

He aha ngā ritenga o tētahi ki tētahi?

Mēnā ka wātea koe ki te uiui i a rāua, he aha āu pātai?

He aha tētahi kōrero āwhina kotahi ka hoatu koe ki ngā Rarauwhe Mā, e ai ki tāu i ako ai?

► TE PUKA MEKA Ā-MOTU A TE KAPU KIRĪKITI WAHINE O TE AO

E waru rawa ngā whenua e uru ana ki te Kapu Kirīkiti Wahine o te Ao, pēnei me Aotearoa. Tīpakohia tētahi whenua hei rangahautanga māu.

Rangahaua, tuhia, whakaaturia ū kitenga ki te tauira i raro nei.

**INGOA
O TE
WHENUA**

HAKI

**TOHU MATUA O TE WHENUA,
ĒTAHI ATU TOHU HOKI**

MEKA REKA

RANGATIRA ONĀIANEI

NGĀ REO

REO

NUI

TOKOMAHA O TE PĀPORI


KAITĀKARO KIRĪKITI RONGONUI

MOMO MONI


ĀHUA O TE HUARERE

► TE PUKA MEKA Ā-MOTU A TE KAPU KIRĪKITI WAHINE O TE AO


ĒTAHI ATU PĀRONGO *i pai ai koe, i ohorere ai koe rānei, e pīrangī ana koe ki te whakaatu.*



TOHU WHENUA



HĀKINAKINA




MAHERE O TE AO

– whakakarangia,
whakaingoatia
te whenua i
tīpako ai koe hei
rangahau māu, ā,
whakaingoatia ngā
whenua katoa e
uru ana ki te Kapu
Kirīkiti Wahine o te
Ao i runga i tēnei
mahere whenua.



► TE PUKA MEKA Ā-MOTU A TE KAPU KIRĪKITI WAHINE O TE AO

KAI



KĀKAHU (*ākene ko ngā kākahu Kapu o te Ao hoki*)

► HOAHOATIA TE WHĪRA/WHARE KIRĪKITI Ī RUNGA RAWA

Me rite ōu whakaaro ki ī te kaihoahoa whare tākaro. Ko tō mahi he hoahoa i te whare kirīkiti pai rawa, i te papa kirīkiti pai rawa rānei.

Kia rere te wairua auha, whakamahia ōu pūkenga hoahoa.

Māu anō hei kōwhiri te hanga hei whakamahi māu, he tuhinga ā-penerākau, he tauira ahu-3, he pūmanawa rorohiko rānei pēnei me te Minecraft, te Google 3D, te Sketch-up rānei.

Ki te kōwhiri koe i te hanganga tauira, āta whakaarohia āu taputapu. Hei tauira ko te kāri, te peita, ngā toko aihiparaka, te wai whakapiri, ngā kutikuti, aha noa, aha noa.

KATOA NGĀ WHARE TĀKARO ME NGĀ PAPA TĀKARO HE WHAI I ĀNEI:

- Whīra me te pae waho e tohua ana, he wīkiti hoki
- He papa tūmuri kia mārama te kitea o te pōro
- He ahurewa noho, he wāhi noho hoki pea
- He toa kai, he toa inu
- He wharepaku
- He whare tīni kākahu
- He rama
- He wāhi kāmera pouaka whakaata
- He putanga, he tomokanga
- He wāhi kaumātua, he wāhi mō te hunga rahi
- He nōhangā kaiako
- He wāhi kaiwhakamaru, he wāhi pāpāho
- He tauranga waka



Eden Park, Tāmaki Makaurau



Mount Smart Stadium, Tāmaki Makaurau



City of Toyota Stadium



Seddon Park, Kirikiriroa



► TE TOA O TE HIRIKAPO

TE HIRINGA I TE MAHARA – THE POWER OF THE MIND

He kēmu whakahihiko, he kēmu pēpēhi whakaaro hoki te kirīkiti. Me whakapakari ā-hinengaro ngā kaitākaro i a rātau, me manawaroa hoki kia pai ai te hiki i ngā taumahatanga o ētahi āhuatanga.

I mōhio rānei koe: Ka whakarae ana ki te epanga tuatahi o te kēmu kirīkiti, eke ai te taurite tukinga manawa o te kaitākaro ki te 200 i te miniti.

KA AHA KOE I ĀNEI HOROPAKI?

Horopaki 1: Kātahi anō a Sophie Devine ka hīkoi atu ki te papa tākaro. Koinei te epanga whakamutunga, ā, me rua atu ngā piro kia toa ai a Aotearoa.

Hei tāu, he aha ngā whakaaro e āmio ana i tōna upoko? Me aha ia kia hīkina ai te taumahatanga e pēhi ana i a ia?

Kōrerohia te kaupapa nei i te taha o tētahi atu, ka whakautu ai i ngā pātai e rua i raro nei:



► TE TOA O TE HIRIKAPO



Horopaki 2: Ko koe te kāpene o te tīma o tō kura. Kātahi anō tō tīma ka hinga i roto i te whiringa toa o tētahi tātāwhāinga nui. Me aha koe hei tautoko i ō hoa tākaro? He aha ū kōrero ki a rātau i muri i te kēmu? Ka taea e koe tēhea whakataukī te kōrero ki a rātau?

Horopaki 3: He aha ngā whakaaro o tēnei kaipatu ka rere ana te pōro i te wīkiti ki a ia? He aha ū kōrero ki a koe anō kia tau ai te mauri?



 **HE PIRO ATU:** Rangahaua ētahi rautaki whakatānga manawa e whakamahia ana e ētahi kaitākaro kirīkiti.

Mēnā ka whakamātau koe i tētahi, ko te painga atu!

► HE ĀHUATANGA ANGITU

The tui sings, the parrot chatters, the pigeon coos – e koekoe te tūī, e ketekete te kākā, e kūkū te kereru.



Mihia ai e te whakataukī nei ō tātau rerenga kētanga, me ō tātau taonga motuhake hei koha ki te ao e karapoti nei i a tātau.

Whakaaro hia tētahi kaitākaro hākinakina angitu. Me kaitākaro kirīkīti, ina ka taea. Tuhia tōna ingoa ki runga ake i te pikitia o te tangata i raro nei.

Tuhia ūna āhuatanga huri noa i te pikitia. (Ko ngā āhuatanga nei ngā mea e rerekē ai ngā tāngata tētahi i tētahi).

He aha ngā āhuatanga i eke ai ia ki te taumata i roto i tana hākinakina? He aha/nā wai ia i āwhina ki eke ai ūna whāinga?



KUHUNA, PANIA, PŌTAERIA!


TE HAKA A TĀNE-RORE – THE SHIMMERING HEAT OF SUMMER

He hākinakina raumati te kirīkiti, ā, tākarohia ai i ngā pāmahana tiketike. Ka roa pea ngā kaitākaro, ngā kaitautoko hoki e pāngia ana ki ngā karawhiu a Tāwhiri. Me ka nui te pāngia ōu e ngā hihi o te rā, kua nui atu te tūpono kei pāngia koe ki te mate pukupuku kiri. E mōhio ana mātou he mātau ngā kaitākaro kirīkiti ki ngā āhuatanga o te rā!

Hoahoatia he tūtohi hei whakamōhio i ngā kaitautoko kirīkiti ki te nui o te take nei, te SUN SMART. Tēnā koa tukuna kia kotahi te kōrero tino mārama nei mā te kīanga reka, ngā ataata mārama, me ngā meka. Whakaarohia tō kōrero. Hei tauira, tāruatia te pani rārara, kimi maru, uhia te kiri, pōtearia te pōtae!

Me mārama hoki te whakaingoa i te kaitautoko kirīkiti, te kiripuaki rānei e SUN SMART ana i runga i tō tūtohi, ka whakairia ki tō kura, ki tō pānui ā-kura, ki tētahi karapu kirīkiti rānei.

Anei he tauira o ētahi tūtohi SUN SMART hei whakahihiko i ō whakaaro. Ka kaha koe ki te mahi i tēnei hoahoa i runga pepa, i runga rorohiko rānei.



HE PIRO ATU: Whakamahia te Adobe Spark hei hanga i tētahi Atakata kia whānui ai te hora o tō kōrero!

KARAWHIUA! TIKI TOKI I TE TĀERA KIRĪKITI

Tērā ētahi mahi hei whakanuinga i roto i te kēmu kirīkiti - ka patu te kaitākaro i te whā, i te ono, ka epaina te pōro, ka hopukina te pōro e hinga ai tētahi kaipatu rānei. Ko ētahi atu ko te ekenga ki te 50 piro, te 100 piro rānei. Ka umere, ka hāparangi, ka hurō ētahi kaitautoko. Ka kanikani rā hoki ētahi!

Hangaia takitahitia, takitinitia rānei he kanikani tāera-Tiki-Toki hei whakaakoranga māu ki te karaehe katoa.

Me whakauru e koe kia toru rawa ngā tohu kaiwawao, kia rua hoki ngā nekehanga pūkenga kirīkiti (pēnei me te epa, te patu rānei). Whakaurua āu ake nekehanga hoki.

Kia ngāwari te mahi, ā, whakaarohia ētahi huarahi e pai ai te kanikani i a koe e noho ana ki te mātaki i te kēmu, e tū ana ki te whakanui i te kēmu rānei. Tērā pea ka nuku atu i te kanikani kotahi ka hangaia e koe.



Ka kaha pea koe ki te pōhi i te karaehe katoa e kanikani ana ki runga i te pae tukutuku a te kura, ka kōkotāngia te Kaunihera Kirīkiti o te Ao, te Kapu Kirīkiti Wahine o te Ao rānei.



Kaiwawao



Paenga 4



Paenga 6



Puta



Whakakorenga Whakatau



Piro Hāmene



Piro Hāmene Waewae



Pōro Mate



Epanga Hē



Tirara



HUATAKINGA PAKIWAITARA KIRIKITI

Tukua tō wairua auaha kia rere! Ka āwhina pea tētahi pikitia, tētahi tīmatanga rerenga kōrero hei āwhina i a koe ki te tīmata i tō haerenga tuhinga auaha.

Āta whakaarohia te kapohanga o ngā whakaaro o te kaipānui mai i te tīmatanga rā anō. Me māmā ō whakaaro, engari kia reka te reo (tūmahī, tūmahī āhua, tūāhua) kia ora ai īu tuhinga.

Tīpakohia tētahi o ngā tīmatanga kōrero i raro nei mō tō tuhinga auaha.



1. HE PIKITIA O TE RĀ TĀKARO O AMELIA KERR - TUHINGA RĀTAKA

Whakaarohia ngā mahi a Amelia Kerr i tētahi rā tākaro i te Kapu o te Ao. Me tīmata mai i tōna ohonga ake, ki te kai parakuihi, ki te whakarite i a ia mō te kēmu. Ka kōrero ia ki a wai? He aha ngā whakaaro, ngā kare-ā-roto e rere ana i te whakatatanga mai o te kēmu?

2. HE PIKITIA – TE KIRIKITI I ROTO KAKA ROA

Me tuhi koe mai i te tirohanga o tētahi o ngā kaitākaro - te reka o te tākaro i te kēmu, ngā tangi oro, ngā mahi, ngā mea i kite ai rātau. Whakaurua hoki ētahi o ngā take e puta ake ana i te mahi nei, te tākaro i roto kaka roa. Whakatakotoria ētahi huatau e pā ana ki ngā whakaaro o te hunga o aua wā ina tākaro rātau i roto tarau kē.



Te Tīma Kirikiti Wahine o Pollard, 1903
Nā Guy Morris te whakaahua, Otago Witness, 18 Māehe 1933,
Uare Taoka o Hākena.



HUATAKINGA PAKIWAITARA KIRIKITI

3. WHAT HAPPENS NEXT:

- Ka hotu au, ka hinga ki raro, engari i pā rānei taku patu ki te pae? Ka titiro ake au...
- He rite tonu taku noho hei kairīwhi. Ināianei ka tū au hei kaipatu. Ka whakaatu au ki a rātau...
- E whirinaki mai ana te tīma katoa ki ahau kia patua he ono. Ka tupana mai te pōro, ā, ...
- Ka titiro iho au ki te hāngi, ka kite au i tētahi pōro kirikiti...

4. HE WHAKAARO KI ĒTAHI TAITARA, KA HIAHIA RĀNEI KOE KI TE TUHI I ĀU AKE!

- Te kaiwawao kiriweti
- Te tākaro kirikiti mō tō whenua
- Te tirohanga a te pōro kirikiti
- Te hopukanga i toa ai
- Te matapihi pūrikiriki

5. WHAKAMAHIA TĒTAHI O NGĀ WHAKAAHUA HEI TĪMATA I TŌ TUHINGA:

